

Malaysia minta Filipina timbang semula acara

Oleh ZAINUDDIN AYIP di Jakarta

MALAYSIA terkilang dengan pemilihan sukan oleh tuan rumah Sukan SEA XVI, Filipina, pada akhir tahun ini yang menyebabkan negara kehilangan 16 pingat emas sebelum bertanding.

Menteri Belia dan Sukan, Senator Haji Annuar Musa, berkata keputusan Manila menggugurkan acara silat olahraga dan menggantikannya dengan wushu memang mengecewakan sebahagian besar negara peserta.

"Walaupun sebagai tuan rumah, Manila berhak menyusun apa juga jenis sukan yang dikehendaki tetapi perasaan dan permintaan negara lain harus diambil kira," katanya.

Acara silat olahraga cukup popular di kalangan negara Asean berbanding wushu yang dianggap sukan jenis baru di Asia Tenggara.

Dalam satu pertemuan dengan *Harian Sukan* di Jakarta, Senator Haji Annuar berkata, Malaysia tidak berdiam diri sebaliknya meminta Manila menimbang semula acara-acara yang digugurkan. - 7 JUN 1991

Malaysia dan negara Asean lain seperti Indonesia, Singapura dan Brunei Darussalam akan mengemukakan permintaan dalam mes-

yuarat jawatankuasa tertinggi Sukan SEA tidak lama lagi agar acara silat dan beberapa acara yang mungkin digugurkan seperti ski air, disenaraikan semula.

Menteri itu belum dapat mengumumkan matlamat pingat emas yang akan diperolehi Malaysia dalam sukan terbesar di Asia Tenggara itu. "Kami sedang merangka strategi. Tunggu dua minggu lagi," katanya.

Bagaimanapun, beliau tidak yakin Malaysia mampu meraih pingat emas lebih banyak daripada yang diperolehi dua tahun lalu sewaktu Kuala Lumpur menjadi tuan rumah.

Dalam Sukan SEA 1989, Malaysia yang mengutip 67 pingat emas menduduki tempat kedua di belakang Indonesia dengan 102 pingat emas. Di tempat ketiga ialah Thailand dengan 62 pingat emas.

Menurutnya, Malaysia akan berusaha mengekalkan pencapaian yang diperolehi dua tahun lalu. "Tapi harus diingatkan negara lain terutama Indonesia, Thailand dan tuan rumah juga ada strategi tersendiri untuk menambah pingat emas," katanya.

Dalam kunjungan seminggu di Indonesia, Senator Haji Annuar berpeluang melihat Kompleks Sukan Senayan, kilang membuat bola dan Muzium Sukan. B. Harian (M)